

Զարքունի Հրովարտակա և զգատաստանական վճիռս և հետկարս տուեալ 'ի դիւանաց և 'ի դատարանաց 'ի թուրք և յարաքացի բարբառ, մտադիւր և զգուշաւոր իմն քրննութեամբ հեղաք 'ի բնիկ մեր հայեցի խօսս՝ եղեալ առ ընթեր իւրաքանչիւրոց զոյգ ընդ Փրկչական թուականին՝ եւ զթուականն հիճրէթի . է զոր ամբողջութեամբ եղաք 'ի կարգի գործոյս . եւ է զորոց իմաստս և եթ յաւելաք 'ի նոյն՝ խորշելով միանգամայն յաւելորդ և յերկար բանից : Զգաղիական նամակն և զարաբական արձանագիրս իսկութեամբ սահեցաք յաւելլով և զթարգմանութիւնս նոցա : Ի յաջորդութենէ Եպիսկոպոսաց կամ Պատրիարդաց Սրբոյ Առաքելական Աթոռոյս զայնս միայն եղաք 'ի կարգի Պատմութեանս՝ զորոց գործս, և զորս միանգամ վաւերական գտաք . թէպէտ եւ ոմանք 'ի Միաբանաց Ս . Ուխտիս, յառաջագոյն առանձին աշխատ եղեն առ այս գործ, և 'ի տիսլ արձանացուցին : Հուսկ ապա՝ զայս դուզնաքեայ վատտակ մեր քրտնաթոր կամակար մտօք մատուցանեմք օրհնեալ ազգիս Հայոց յօգուտ եւ 'ի զարգացումն բանասէր մտաց, 'ի դիւրութիւն և 'ի մխիթարութիւն Միաբանական Ս . Ուխտիս ողջամիտ Հարց և Եղբարց, և 'ի փառս միոյն Աստուծոյ՝ որ է օրհնեալ յաւիտեանս . ամէն :